

35

30

25

20

15

10

星

巖

集

乙集

口

津田文庫

文庫 1

1685

2

敘

余十餘年前見坊間所開宋三家律詩選本初知美濃詩人有梁星巖者而未見其詩固未及知其人竊謂亦時流詩人耳尋見其所梓行徐而庵詩話跋語

又有人傳其詠箏一律、稍似与时流有異者、而片語隻辭、未足以概其實踐、意頗疑焉。頃聞星巖來寓于輦下、問其經歷、云遊長磗、與清客唱和、南海山陽所、在与騷人交遊、問其所業、云校

讎坊刻之書、或評選近時作家之詩、因又竊謂果然、時流詩人耳、然未能恝然於懷也。今茲春首、始來見、觀其人、則躍然骨格、若不勝衣、其所談論、則磨盡圭角、不与物竟、然非復甘牛後歟。

糟粕者、一片逐標、隱然乎應接之間、近又讀其西征詩冊、其所趨向非蘇黃、非范陸、非虞楊、非王李、亦非徐袁之与鍾譚、一種清雋之味、蓋獲之天分而專用心於唐、故無有膚淺露骨、支離

滅裂之病也。今見其構思作詩、每逢一題、輒鼻精殫慮、必全功力於通篇、不徒字鍊句琢而已、故冊中詩皆渾成圓熟、譬如滿盤明珠、着一魚目不得也。而今始知星巖不然、特立非時流詩

人所能及也。繇是推之、自今而往、其鍛鍊淬勵日月以加、遂得隴西杜陵之神髓、必可有之理、而心不可無之事哉。於是乎書之卷首、以問世之讀此冊者云、文政十一年歲在戊子冬十一

月中浣正二位前大納言藤原資愛撰

菱湖卷  
大任拜寫



序

耽擣

フ  
文庫

鎮西之山遠而望之岑默如在天  
外而往而耽擣則隔絕之者志馬闕  
一衣帶水而已嗚呼是不可以喻  
伯夷詩矣伯夷玷神遠韻高邁別  
凡境而令人所憲必遠於人所  
多在尺寸間人自不能學子不然  
凡用功專得力深不能遠寫而久

主也。至觀海內以詩名家者多矣。  
或儇佻自喜面目鄙近者則粗峻  
硬率不足入人心脾能除此二病者  
猶倘免。清羸嗜詩妙在其中。婦  
亦能吟夫素相携囊書橐革  
篋。追西南山水道烹一杯留滞舊古  
人一簾可烹者枕藉讀之婦輒饑  
添衣不顧及其自為則謫古之步趨

而會以已之神理。伊漫終夕不寐。六  
華雖险艱難，故出以平穩愈鍊無  
乎期於集。永從淺躁，歎名者所  
能辨。所以能異時調也。但免少與  
冥左名產，因拾又唐括西州諸耆  
宿。終至西清賓友唱和其間。閑以  
試。左家頤以余為五相質證矣也。  
正叔於西遼所心詮。序之余。

篝燈夜讀每遲忘心更葉稱妙  
素兒睡者皆忘善余所欲言而未言  
者伯允衷矣矣余亦嘗西遊豐山  
涉二肥薩隅觀奇秀流比  
伯允較閑且多然念親里家為巧  
寧生學不能患領其勝視之伯允  
挈家而以徜徉留心者有間矣猶  
余之攻詩不如伯允之專且深久也特

愈夫立未踰志馬者才所以伯允  
清而余不括焉

山陽外史叔叡題

題

星巖集序

詩其心之聲乎。外感乎物。內動乎情；動而形於言。形而比於聲。以而詩生焉。然則詩固心之聲也。故粗於其心者。其詩厖僻。於其心者。其詩濶放。於其心者。其詩詭。蕩於其心者。其詩靡鄙。於其心者。其詩摯。故心敬而後詩得其莊。心潔而後詩得其清。心密而後詩得其

嚴心大而後詩得其昌。心理而後詩得其文。凡誠於中者必形之於外。惟詩不可以偽為。也是故可以經夫婦。可以成孝敬。可以美教化。可以移風俗。古之為天下者。欲同民心而出治道也。乃設官司博采而悉陳之。以之觀時變。察民風考其得失之所繇。而有以斟酌之。故倫理正而上下安。國雖有不治者。則罕矣。

自王政衰。詩道不明。在位者無復知民心之所從。故淫僻行而禮義廢。國雖有治者。則亦罕矣。詩之所係。其不大矣。

武方今 皇朝

聖明在上。賢能在下。政教備舉。詩學寢振。然世之作者。率猶昧於心術之要。而不知詩之本。徒逐馬遺內脩外剽掠。摸倣以鬻浮靡。其識之陋。亡且賤耳。獨


梁君公圖起於美濃。慨然以詩法自任。其所作。大歸奉乎性情。深乎以興主文。譎諫不失風雅之遺美焉。而至其所自得。則能隨物賦形。豐約疾徐。咸中乎繩墨。而關鍵森密。嚴乎不可犯。置之古作中。無復可辨識。此其所以傑然於時輩。世固有能識之者。何待予言而信乎。哉天保中來江都。乃游玉池吟社。日以

倡明詩學為事。遠近生徒趨之者衆。其室氏張。亦善吟咏。而命意窈眇。措辭渾厚。頗類君所為。予嘗謂之曰。今為天下之倡。而自內始。詩云。刑于寡妻。至于兄弟。以御于家邦。其君之謂歟。君天資俊絕。於書无所不讀。最耽吟談。時事其才之識。不特能詩而已也。其詩弱冠以前。皆焚之。今鈔而授梓者。

千二百餘首。凡若干卷。一日載酒而來。  
謂予曰。子知詩之本。而又知我。豈為我  
叙詩乎。予曰。諾。遂叙之。

天保庚子冬月松代佐久間啓譔于江  
都之五柳精舍

澹如菊地教中書



郵

嘉平刻

星巖乙集目錄

卷一

西征集一原葉古今體共一百八首刪存七十三  
首

卷二

西征集二原葉古今體共九十二首刪存五十九  
首

卷三

西征集三原葉古今體共一百七首刪存八十一  
首

卷四

西征集四原藁古今體共一百二十三首刪存一百首

十三首

通計原藁古今體共四百三十首刪存三百首

百首

星巖乙集卷一

美濃 梁 縱 公圖

西征集一

起壬午九月  
盡甲申四月

九日藍川路上

曉痕仍滑馬蹄霜重疊青山去路長一把黃花半瓢酒  
藍川隄上作重陽

江月亭

人生行樂耳不飲復何如江白玻瓈月盤香玳瑁魚

寄柏紹甫

浮生半世走奔波柰此征塵滾滾何一片君能持贈否

白雲三十六峯多

純甫家在多者山下舊傳云山有三十六峰

冬晚馬上

窮陰天易晚轉覺客行難平楚風逾力奔湍月欲乾僧敲初夜磬鳥護一枝寒自笑棲棲者終年跨馬輦

益山途中

馬蹄鳥跡印晴沙隔水青帘賣酒家好是香風吹不斷溪却十里早梅花

立春日枕上聽冰時在伊州

未城溝氣欲融簷乍韻玉璫瓏病夫偏喜東風早幽竹又來耳太學

正月二十日讀東坡詩偶有所感題一絕

客窻愁坐已兼旬漠漠春雲不放晴漫憶老坡情興好梅花細雨王城

二月五日携家觀梅於月瀨村

屬和州貴山而下凡二水

十餘里山巔水涯巖曲洞口目之所向無二看不梅花莫測其幾億萬株實天下奇觀惜地僻罕

賞者

衝破春寒曉出城東風剪剪弄衣輕漫山匝水二十里盡日梅花香裏行

後先相喚繞煙霞白石青苔路繆丈誰道貧兒仙分薄也携雞犬看梅花

杳然別是一乾坤，峯轉溪回果得邦。<sup>却</sup>曾見城西漁隱說，  
梅花亦自有仙源。城西漁隱指服文稼而言

憑高寄懷濃中知舊

飛樓百尺倚高穹，目盡浮雲杳渺中。峯日三竿神女雨，  
海天一角美人虹。雁迷霞浦行空斷，潮到桑城信不通。  
最憶藍川隄上柳，別來亦已換春風。

三日挈酒遊杜氏水繪園醉中題二絕句示服文稼

黃鳥嚦嚦春意酣，問知今日是重三。急浮一櫂，<sup>一</sup>遇花去  
流水聲中瞰遠嵐。

浮生能得樂，場歡白骨青山滿。眼寒珍重會稽王，內史故留醉本與人看。

和州道中

古道六七里，春風三兩村。花殘宮女面，鳥喚帝王冤。墓  
破露山壘，祠空餘石垣。悠悠莫復問，翁仲立無言。

平城懷古

雲端雙闕古，神京憶昔春。風颭霓旌霓音鷓五歷切，固沼已荒槐。  
柳合衣冠何在，壠墳平。一溪豐草，嘵嘵。康千樹，殘花恰恰。鶯行盡，借香山下路。春日或作借香見萬葉集，流泉鳴珮最關情。

三笠山下有懷安部仲麻呂  
風華想見晁常侍 皇國使臣唐客卿  
山色依然三笠 在一輪明月古今情

旅夕示內時春盡

芳草萋而綠千山正杜鵑傷春當此夕偶坐不成眠刺  
湯無完字囊羞但一錢莫嗟雲路隔鷄犬亦昇天

駱駝歎

有引

梁子挈家西遊取路於浪華見有欄駱駝而撻鼓開  
場者感之而作

考月鼓鳴斗鑼何人開場看駱駝紫毛苜苜衣可織肉

輦高聳金盤陀云是紅夷之所齋轉徙遠來從流沙我  
聞汝駄貢物數入燕燕山雪深迷嵯峨况乃任重千斤  
過又聞從役下南粵粵江水渾炎毒多餘毳退盡生瘡  
痂向來嘗艱良已足又附商舶到 皇和雌能帖耳雄  
罿圓胡瞻切輶鳴聲千里萬里仍奔波雖云伉儷長得好無  
乃相對悲蹉跎我亦挈室走天涯不成一事睂欲瞞今  
日見汝老途旅乃知卉亦有同科知風識水徒為耳格  
論駝有靈性能知水脈識泉源風將發即引頸而鳴嗟呼駱子駝子奈汝何

播洋舟中

六幅高帆十八洋舟師乘便太匆忙湏磨赤石佳風月

枉付蓬窗夢一場

久旱

時在五  
備中

枯苗滿地若為情但見火雲圍郡城一雨庶氓相望久不知誰是東先生

晉書東晉傳太康中郡大旱晉為邑人請雨三日而雨注衆為作歌曰東先生通神明請天三日甘雨零我黍以育我稷以生何以酬之報東長生

路上紀事

梁子西征過山陽正值炎官之按部五十餘日天無雲只見赤熛不見雨田疇盡作龜蛇坼滿地枯苗是酸楚蹣跚驥車捲白波可憐農夫太勞苦車聲人聲交訴冤咿唔似向行人語去年賣牛纔償逋今年租帖又下府

歛賦漸多地力薄糠粃尚不落吾肚何況亢陽肆虐威便合乾死歸焦土梁子殷勤喻農夫汝宜自慰勿長吁我聞公家祠靈山特遣祝巫行大雪明朝一滴馬鬣水滂沱千里苗可甦苗甦汝亦活汝生與苗俱農夫搖手苗也可甦人安能活城中更有老旱魃

次韻答茶山翁見贈

住自不安行更難荆釵何暇共酣歡吾生唯有飄零似慚殺高人梁伯鸞茶山原詩云俱隱同行路不難眉齊今時梁伯鸞茶山原詩云俱隱同行路不難眉齊

次寄葛先輩休文二首

伯鸞

離居荏苒七年華，鴻雁影疎雲路賒。  
遠訐忽聞疑夢寐，驚魂漸定始咨嗟。  
黔婁有婦能營墓，伯道無兒可保家。  
天泣地號心欲折，臨風更與誦哀些。

坐覺文星減，多比年生意屬流塵。  
北來既哭趙，有腹西去復傷人。  
方補唇不道，夫君也歸寧。  
無情鬼伯苦驅人，天留賤子知何用。  
歷吊新阡薦藻蘋。有腹謂柏木，謂木百年。

玉浦舟中所見

夜雲如墨，觀沮如蓬。雨淒淒，聲漸疎。  
忽見沙頭人影並，一團炬火捕章魚。

御塔門

舊傳云平清盛所鑿

連山中斷一江通，禹鑿隋開豈讓功。  
薄夜潮聲驅萬馬，平公塔畔月如弓。

舟抵廣陽

水底殘霞魚尾楓，菰蒲葉戰暮潮生。  
扁舟不借風帆便，一路溶溶流入城。

感秋次山口恕輔韵

嫋嫋西風驚白波，疎疎晚雨濕青莎。  
水邊顏色芙蓉老，階下吟聲蟋蟀多。  
惟有殘燈照黃卷，可能草檄倚珊瑚。  
丹心碎破十年夢，奈此羈毛蕭颯何。

秋夕

雨洗殘炎，一空蒲簾碧。敝幕窓風，不知新月來相照。  
眠在梧桐疎影中。

黃岡之會始謁杏坪翁。翁有詩語及賤子曰次韻以呈時癸未中秋也。

一笑溫顏滿座春，恢然胸宇列星辰。肯隨時世輕先輩，  
欲把文章謁後塵。蝶翼遮風簾影直，龍頭瀉月酒行頻。  
他年江海逢良夜，亦指天涯望美人。

十六夜賞月於三篠水樓，是夜陰晴不定。  
娟魄依微乍漏光，一天雲葉尚茫茫。嬌娥果是胡為者，  
欲學徐妃半面粧。

十七夜客窓對月

短髮颯颯竹吹輕，莎鷄啼徹夜三更。藤床笛簾涼無價，  
卧看殘雲繡月明。

重陽日宮氏夜聽亭重陪飲杏坪翁仍用中秋  
之韻

月明同醉一壺春，再會黃花又及辰。何害木瓜羸美玉，  
已饒泥水接清塵。鱸從霜後味逾好，燕向社前啼太頻。  
感愧夫君相厚意，舉觴數屬未歸人。

廣島城南凡三十餘里皆為鹹地，遍插刺竹，望  
之若水柵然即牡蠣田也。土人云率以五六月

下種則翌年八九月苗生較之他州所產更肥美輒賦一絕句

匝地芭犁不碍潮時清斥鹵也豐饒淘淘三萬六千頃

一夜寒風長蠶苗

余性甚嗜蠶又甚嗜螺偶閱南產志云閩人濱海種蠶又種螺因竊意本州既已有蠶田則饕餐若余亦得厭飫唯恨其無螺田耳嗟呼誰居為燧人氏者必當有人焉

蠶房上市馬蹄圓一箸千枚不值錢自笑貪饑心未足放匙更望有螺田何禹遠南產志耘海泥若田畝然淡水乃濕生如苗移植之它處

乃大長二十三寸殼蒼白頭有兩巾出  
殼外所種者之畝名螺田或曰螺塗

車蛤一名西施舌蠶房一名太真乳並以美見謚一日庖人偶羞此二品輒走筆各書一短歌

西施舌陳懋仁泉南雜記西施舌殼似蛤而長外色若水蚌殼內色如孔翠肉白似乳形酷肖舌濶約大指長及二寸味極鮮美舌本有數肉條一如鬚然是其飲處

西施水莖五湖濱風簸浪汰幾千春豔魄與骨俱銷散但見空水碧泯泯唯有舌木活不爛嬌脆鬆膩味尤新一語便覺香生竅玉飴雖羨豈其倫回首笑殺郭舍人只齧尋常妃女唇

太真乳本草牡蠣附石而生每房內有蠣肉一塊大房如馬蹄小房如大指一

君不見開元天子全盛日，日日後宮事嬉春。  
太真玉乳飴，祿兒餘汁入海。化不汎沙底，竈嵬人爭鐘。  
千古奇賞，乳味新。牛酥羊酪皆奴隸，天下何品可等倫。  
拍案大笑說，傍人華清春風忽到唇。

杏坪翁遊曠西郊歸路見過余寓遂相要至晚  
甘亭主人供酒茶翁有詩次韻

吟驂嘶斷暮，郊寒松下延君且解葷。茶味酒香殊不惡，  
半床霜月話團欒。

巖島

羣螺青匣鏡中天似坐，瑤臺望列僊。宸榜飛光金礦

碑雲衣落影白褊襟。千年老蚌貽應滿，半夜長鯨目欲燃。  
巧點何人齧燕脯，贍他龍女載珠還。  
十月晦日杏坪翁見過余寓居得鹽字  
漫勞高駕到茅檐。野外霜寒尹不嫌。沿例詩家乏供贍，  
盤中只此水晶鹽。

席上詠水仙花兼贈賴餘一  
余杏坪姪孫善書  
金蘂冰葩迥出塵，忍題凡句汚仙真。只湏倩箇官奴筆，  
一幅生绡寫洛神。

將赴三原諸子飲餞於景山樓  
府下偶為三月留客艷纓煖又浮遊喜君置酒重分袂

嗟我行蹤輕點漚蠟淚向人偏滴滴笛聲何事亦悠悠傷心明早離城去萬頃風濤一葉舟

泊夜書所見

殘月依微艤影搖大家等候早來潮忽聞邪許連聲動

舟外峩舸已拔錨

如此江山亭對雨示都寧父丹子諱二子

亭在妙止

寺側下瞰三原城粉蝶碧瓦與青松白沙相映帶於齒烟杳渺間真勝境也蓋妙正寺以諸家多題詠故擅名區內而

盤盤振策共夤緣萬頃煙波只眼前山影纔將雲影合潮聲已與雨聲連兜羅寶界依微外乾闢婆城肅霖邊

誰在下方遙頂禮閻風是日會羣仙

田氏女玉蓀畫常盤抱孤圖

雪麗笠檐風卷袂呱呱索乳若為情他年鍊杵峯頭吟

叱咤三軍是此聲

贈鹿

伊尼伊尼汝性太癡山中為吏分攸宜野萍水芹充汝飢伊尼伊尼汝性太癡山中幸自無人角饒汝獄獄談經來伊尼伊尼汝性太癡吁汝慎勿履彼危世上人士利如錐欺汝無魂食汝肉李衡公說道書中言食汝肉而寢汝皮

雪夜寄懷宏上人

細竹窓前簌簌聲，撥簾急雪灑燈山。  
閑憶欵冬花下僧，本草欵冬  
桃杞也

除夕戲題

分歲無錢買一括，坐將閂字畫爐灰。  
如何五鬼獨情厚，逐我慙慚千里來。

早春雜興十首錄七

幽窓夢破鶯聲譁，海日暎暎透碧紗。  
起汲井華換瓶水，寒梅尚活去年花。

冰溝忽見玻璃碎，客子光陰又一周。  
憶起聲聲枕聽

去年今日在伊州

堅卧貪眠不出廬，東風巷陌雪銷初。  
暗知今日是人日，椎髻邦姑叫賣蔬。

辦得羹材手自調，杳然回首一魂銷。  
故山山下還如此，綠滿畦町撥雪拋。

檐牙鳥雀弄和聲，漸覺朝來睡不輕。  
呼婢褰帷春已好，遠峯靄靄黛螺橫。

肅兀埋頭亂卷堆，春晴未遽出城來。  
今朝忽被鶯聲誘，水竹邦南去訪梅。

黃昏沿路拾芳菲，絢爛有聲風掠衣。  
一角天西紅未了，

邦童仍放紙鳶飛

西郊尋梅

幽討從他村路長，小橋流水帶斜陽。  
三枝兩枝寒弄影，五里十里雪吹香。  
微雨墊巾殊不惡，敝裘換酒也何妨。

好教翠羽呼眠醒，又是浮山夢一場。

梅花絕句

余醫以二月瀨梅花為海內無雙及今  
觀三原梅乃知其有雙也彼以幽遠

勝興則平曠竹橋茅屋境各有佳處耳

梅花不見只聞香，遍野漫山春渺茫。  
非有羣神能諦觀，直須喚做白雲鄉。

畧同築墓近要離

藜杖重尋前度村，瑤妃微笑立黃昏。  
不須春月開粧鏡，且只聞香也断魂。

哆多誰能容口吻，清姿高格本無雙。  
一般疎影杏花月，爭奈遺山心不降。

元好問杏花詩一般疎影  
黃昏月獨愛寒梅恐未平

八幡山八景

錄三首

鷺羽山晴嵐

如有還似無，烟靄更披靡。  
只行層嶂間，滿袖染來是。

鈴子谷春鶯

自歌仍自聽，谷口也能春。  
多事遷喬侶，賞音長藉人。

御調坂夜雨

似有宵征客，炬星濛靄間。忽記九華句，鈴聲夜過山。

田氏女玉蘊，畫美人讀書圖。

隔花鶯語太丁寧，喚得卿卿春夢醒。畫漏滴殘庭院靜，

偎簾悄讀牡丹亭。

二月晦日拉都寧父諸子遊懸崎海上有大小

鷺洲

詩酒還成半日遊，此生隨處送悠悠。他年夢裏問陳迹，細雨春帆雙鷺洲。

余寓三原

人梅花方綻時來以告鬢始肥時去

其間十餘旬與都寧父子諄輩詩酒談笑殆無虛日臨別留題

西崦梅花夢尚新，醉魚喫沫已殘春。不知風物能多少，勾得夫君住十旬。沼田郡安置鄉海上年二三月之文有棘鰐魚浮游如醉漁人爭捕以賣其味豐膩絕倫按國史神皇后到渟田門海鯽多聚船傍后以酒灑魚醉而浮云即此

重抵廣島

貓子橋邊重繫刀，炊煙繞樹市聲囂。一般樓櫓四十八，雲際依稀鵠尾高。

後藤氏園池賞藤花同杏坪翁

紫綬垂垂照影低，游蜂飛蝶鏡中迷。黃昏把酒同臨水，

便是江南罨畫溪

木龍引爲山美算題

霹靂一聲蟄始振千卉百草總欣欣中有老木蟠而屈  
煙潤雨澤不受春只道朽殘乃如此豈知長睡牢凝神  
匠石過傍不見顧得同樗櫟免斧斤山氏之叟何爲者  
薛瑩龍女傳蕭曠問龍女曰拔化爲龍有之  
載之還家誇異珍自稱當今董駿川能使靈物來且馴  
僊人拍手笑其妄我歎山叟眼睛真我且代叟聊一諭  
平女曰拔木也龍本屬木變化歸本又何怪山叟山叟  
龍也本屬木部署龍化爲木木爲龍龍木互化太明著  
薛瑩龍女傳蕭曠問龍女曰拔化爲龍有之  
慎勿疎豢之仍須加防護葉公畫龍龍飛來僧繇畫龍

龍飛去丹青且然況有形一朝機發怎可住君不見掛  
壁梭攫天擎地歛羽舉

論詩示王香

今人遺古尚新裁刻葉鏤花豈是才一部杜詩君試閱  
盡從文選理中來

余縣崎絕句一時人謬傳誦王香贈詩云小杜  
嘗稱趙倚樓雀鶯鄭鶡例尤鶴這般好句人爭  
誦蓋目公爲梁鶯洲援筆戲答

詩酒江湖汗漫遊名聲敢望昔賢傳有緣他日來投老  
合署陳人梁鶯洲

漁歌子二闋遊城南而作

荒烟白鹵小橋西趁市歸來各有攜商帆落海日低磯  
鷺洲上鶴鷺啼

沙際蟹行虹欲脫潮痕歷歷夕陽中簷袁女黃竹籠相  
喚相呼拾海紅南產蛤殼有黑色而長大者

名紫蛤一類紫蛤而大者曰海紅

星巖乙集卷一

星巖乙集卷二

美濃 梁 縱 公圖

西征集二起申申五月盡八月

舟發廣島

暮雲殘照首重廻城樹依微墨一堆細雨欲來征袖冷  
長風忽送客帆開心如敗絮黏泥濕迹似飛星過漢來  
漢天文志注飛星絕遠而去也聞道鎮西尚千里更堪時節正黃梅

五日泊室津

海鄉風土重端陽爭縛青菰角櫻香柁師也解為佳節  
鬪酒攤錢各一場

舟中望鎮西諸山，

過了上關，指下關，遠帆不動泛鷗閒。潮頭一點青如黛，知是南豐女子山。

雨中兜子月中槎，漂蕩遊蹤所在家。忽見鎮西山色近，始驚全室在天涯。

經普賢洋，風浪暴起。有鰐魚一雙掠舟而過，堰水奔流人沒肩。碓峯飛雪馬埋轡，那知西走三千里，更到鰐魚饑吻邊。

風伯憑陵吼地來，驚波駛浪雪崔嵬。若為喚起滄江女，檀板高歌大怨雷。

壇浦懷古

白榆何歷歷，維帝之所裁。上有皇天下，后土福星包。世度來何物，狡童亂乾綱。休運已去，挽不回。山後先，海吞吐。龍駕西奔迷處所，貔貅力竭誰復支。空將安危問海虎，但見孟霧吹鋒鎔。腥氛滿地鼓鼙殲，寶光黯澹出復沒。紫貝闕窮不容覘，嗟浮雲兮嘆逝水。萬古銷沈只如此，金軍府亦丘墟。為龍為席今誰是，幽冤惟有陶真說。海風倒卷絃，欲折雲慘惄。子雨悽淒水鬼啜泣，一聲絕。

雙珠閣書贊目，閣在長府城南。

闌干詰曲面嵯峨。卷雨潮聲夜轉多。島胥忽明雲吐月。  
一雙珠影落澄波。土人傳云神后征三韓凱旋至此投于海中後化為島今間珠於海中後化為島今間

前所時立者即此

越子信觴余於大鼓樓醉中成二十韻以贈。  
乾坤遼闊不可測九州之外更九州。吾邦立國僅六  
十赤馬闕乃在西陬但見山絕海水淼云是大地脈盡  
頭有似奔馬受羈勒飛蹄雖跕勢未休我從中山來探  
勝施捨此地兩旬留越君好客今文舉挈樽同上郡南  
樓是時五月霖雨歇晴潮涵虛碧於油右控蒼峯左豐  
嶺一帶青玉簪亂抽酒酣臨風談今古快似蒼鷹乍脫

鞚歡情未已哀情動落日蒼茫下簾鉤憶昔天步艱  
難極終遣魚腹塋冕旒痛哉闔門齊殉節風水散溟  
骨不收君不見當初洛陽占上游五雲樓閣佳氣浮鸞  
絲鳳竹迭奏曲金支翠旌何紛搖一朝腥風卷地起豪  
華銷盡水悠悠汀煙島樹籠微月漁歌斷續鬼歌愁古  
往今來幾塵劫起滅宛然風中漚何物大鉤運羣有長  
恨日馭無停輶所謂人生行樂耳富貴貧賤共一丘只  
須蘸甲十分飲嗟哉百年復何求

筑州路上

路入鎮西多嶮巇輿心搖兀馬蹄危隔溪古刹登登響

知有遊人打斷碑

回望無由見  
帝京千重山水萬重情也知餘澤及荒  
遠鼓笛村村多頌聲

赤間驛雨中訪月形君璞君璞置酒延歠且用

藝藩諸子送別之韻見贈疊以謝

衝破窪濛倒客衫筑中山水本超凡忽遭杜酒留行李  
也勝尤風阻去帆芥屋潮蒸千礪磯龜門煙疊萬巉礪  
誦君高句神逾盪勇探何辭海雨鹹領聯用君璞之句  
博多西北三十里潮滿則遊人乘舟往來洞中龜門山在大寧府一名豐滿山

阻雨

客窓連日雨蕭蕭坐撲殘書送窮寥見說霸家臺外路  
泥深三尺沒人嚮支那人以博多為霸家臺

函嶠廟

靈風旗影閃晨暉巫女衣涼露未晞忽憶蛺翁詩句好  
青松高處一鳴飛

松永子登宅觀阿速胄歌

阿速蒙古別号也

筑紫之北海之澨有石百丈可為梶俗呼梶竿石在函嶠之北二十里  
我欲因之陵溟渤周覽八埏覩九闕杳杳天低卑於地  
魚龍出沒浪崔嵬落日倒衡高句驪滯寃流鬼渺悠哉  
我時魂悸不能進屏氣且息霸家臺霸家臺下三千戶

鐘鼓饌玉稱樂土中有松生磊柯人招我滿堂羅尊俎  
酒酣笑出阿速胄妖鍊不死兀顧古塞垣光景忽在目  
搖搖風裏鶴鷄羽嗟哉生乎何從得如斯之器世未覩  
憶昔大寇薄此津旌旗慘澹金革震是時天靈佐我威  
叱咤雷車走驟輪湧曳萬艦飛塵滅能生還者僅三人  
此胄無乃其所遺古血模糊痕未泯方今承平日無事  
舉國銷兵鑄農器雖然邊謀豈可疎瀕海諸鎮嚴武備  
異時蠹兒重伺我請君手揭此胄示作歌大笑倚欄角  
風聲駕潮如鏡吹

子登要余舟遊

划舟儘意弄微波櫈蟹叉魚興奈何一帶菰蒲青戰戰  
洲禽叫處雨聲多

韻賦呈

繫舟沙埠故幽尋且喜清風愜素襟門對鶴林聞嘹唳  
窗含鯨海見飛沉一場談劇三杯酒滿肚書撐萬古心  
天下人才無幾箇賀君雙鬚尚勝簪

雨霽

刈萱闊外雨漫漫濕氣吹衣夏亦寒忽喜天南呈霽色  
高良依約見峯巒

太宰府謁菅公祠廟

偉然廟貌倚崔嵬，憶起當時悵且哀。  
從昔天池產蛙鼴，于今街巷說風雷。  
觀音寺古鐘偏鑑，都府樓空瓦亦灰。  
惟有餘馨消不盡，丰年春信到官梅。

松水廬

松水坊在二佐賀城南泮宮之側，往古賀精里先生所創設，松檜蔚茂，流水暎帶。

所以坊之得名也。

先生東去後，田維岳移居焉，遂增植花木，以繼遺芳。

礧砢松圍屋，潺湲水繞除。  
誰圖宋家宅，輕遣子山居。  
隔壁聞絃誦，令人憶石渠。  
最欽餘澤茂，歲蕤當春舒。

從佐賀抵諫早舟中

趁潮快艤去，雙雙疎雨澹。  
煙青一江初日，忽晴風水麗。

雲仙山色到船窗

長崎

萬疊峯圍一席天，海雲崖樹碧於煙。  
市樓籠地無空闊，佛刹緣山互接連。  
落日鑼聲亞蘭館，迴風旗影潤江船。  
時清不見窺窬者，夷往蠻來二百年。

讀江芸閣品花生詠戲題八首

滿畝桑麻取次成，東君多事更多情。  
道傍故蒔閒花草，乞與蘭陵治客評。  
芸閣係古人。  
迦陵鳥唱聲聲好，優奩花開色色佳。  
此際道人黃魯直，也應破戒詠風懷。  
僧法雲勸山谷，勿作艷歌小詞。

冶葉媚條遍受知，春風爭繞筆尖吹。  
名花拜賜應解笑，第一才人第一詩。

惡因緣是好因緣，收拾烟花盡入篇。  
從此東方佳話遍，文通彩筆薛濤箋。

嬌花寵柳春成市，飛蝶游蜂情曷已。  
好是溪雲竹屋中，有人抽筆修眉史。  
芸閣寓館曰碧琳琅自署一聯云溪雲竹屋平生願明月清風太古心

合歡結帶楚腰圍，載酒江湖事已非。  
只剩一編春夢記，燈痕眉影尚依俙。

殘紅剩紫逐風埃，命薄於雲真可哀。  
唯些一枝春好在，儘留顏色待君來。  
新詠中諸妓比來多落籍所存唯袖笑耳

我亦當年吟比紅，賞春興味略相同。  
把君新詠再三誦，夢到錦雲融蕩中。

七夕柳賓池館戲詠示水媚川

風柳露簷涼意多，玉壺銀剪夜如何。  
棗花簾外彎環月，椰子杯中瀛灔波。  
紅女有情穿絲線，青樓無地不嬌歌。  
眼前一派相思水，又是人間小絳河。

荀之句賦謝

天遣吾儕一例貧，愧君嘉貺最情真。  
免枝寶墨生花筆，併作奚囊富貴春。

贈女校書袖笑

杏腮桃面太妖嬈，占得春風色。  
轉饒不是江郎持彩筆，愛卿眉黛有誰描。

芸閣代答曰：端娥清影正嬌嬈，簾捲秋河露氣飄。拜了初三新月後，便將

眉譜傳情

耶，描

芸閣寄示無題一篇，云此詩自寫青年小像，不堪為知己笑也。望勿傳示他人，更為笑外增笑耳。

月戲次韵

樂領譚衣褶在箱，泥金蛱蝶紫鴛鴦。依俙扇底桃花影，  
飄飄梢頭荳蔻香。夜月魂歸鳴珮冷，春雲歌斷畫欄荒。  
喚回二十餘年夢，悄立西風鬢欲霜。

芸閣自注云：少時喜演劇唱歌，又

有坡紅兜相思不得致死，

月下效元微之雜憶裁五章，寄芸閣及校書。

簟紋如水碧沄沄，一桁簾惟卷彩鴛最憶蘭湯新浴罷。

連床待月向黃昏。

風筠交戛玉琤瑎，清月流光入綺窓。最憶閑吟並肩坐，  
釵尖帽角影成雙。

碧梧枝上月嬋娟，照到琉璃硯匣邊。最憶玉尖輕擘彩，  
五雲章色落巴箋。

金風吹酒桂花香，月逗樓心引興長。最憶水晶簾押底，  
擣筆據笛韻悠揚。芸閣善吹笛，校書亦巧箏。

芸閣每遇風清月白，擣筆合奏。

銅花荷水夜沈沈，睡鴨香溫斗帳深。  
最憶西窗殘月影，依依還照合歡衾。

讀采蘋女史閨詠，却寄采蘋向在磯。開講肆延生首，故詩尾及之。

麗句吟來愜素聞，香風搖曳柳絲嚴。  
可無佳婿如溫嶠，儘有清才亞左芬。  
宋氏傳父業得周官儀，乃就宋家立講堂，書生百餘人隔輝妙慢受業。望瓊山一段雲，亞于左芬臣才不及大中爾。姚醉杏，

酣春黯澹蘭言竹笑夜氤氳，絳妙弟子音塵隔。  
後漢書立講堂，書生百餘人隔輝妙慢受業。望瓊山一段雲，亞于左芬臣才不及大中爾。姚醉杏，

聽沉綺泉話揚州。

促柳蒲疎已變秋，棹謳槁火古揚州。  
笛聲吹破三更月，

簾影春搖十里樓，白馬蕭郎稱薄偉。  
錦帆天子最風流，豪華富貴終何用。盡與商人作話頭。

月夜諸游好拉歌兒見，過余竹林寓居時上杉  
龜亭將赴薩州。

素月流光照石櫂，半簾竹霧澹濛濛。  
客來巖竇風泉外，蛩咽荒階露草中。  
白墮只須澆蟲鬼，黃雞正欲問玲瓏。  
滿堂絲內寧嫌熱，真箇中年感謝公。

送龜亭之薩州。

瓊山山下同為客，回望中州程已賒。  
此去慶兜島千里，天涯嗟爾更天涯。

炎雲淨盡瞻南極正是蜻蜓洲盡頭海岸絕邊逢海賓  
也應指點說琉球陸游詩船師指點說琉球

登無凡山閣望海

淫霖纔掃跡，坰野未全乾。歷峯千疊，登登路百盤。羣  
螺漸在下，環海森無端。頓覺胸堂豁，何惟眼界寬。浮雲  
指五島，落日望三韓。鯨鬚真堪剪，高歌悵倚欄。

竹林東廂夜坐二首

孤坐東廂下，閒吟敵素秋。香灰心寂寂，雨絕夜悠悠。僧  
夢醉難醒，蟲聲咽不休。無人同況味，苦壁一燈幽。

雲生天復晦，燈死眼逾明。古殿蝙蝠出，空廊山鬼行。

鰥不成寢兀兀若爲情稍喜鐘聲動春容報五更

水月園夜坐有懷故山

窓下成孤詠，水風襟袂間。階蟲哀韻切，衣露泣痕斑。  
月已生新魄，秋應滿故關。夢魂能到否，迢遞萬重山。

從譯司陳祚永乞肉

自笑平生只一貧，涌烟蕭索覩生塵。虞悰車載何曾夢，  
但得豚魚也足珍。南齋書裏悰傳世祖幸芳林園就悰求扁米冊悰獻冊及雜肴數十輦大官鼎味不及也○易中孚豚魚吉乳疏豚獸之微賤者○晉書謝混傳每得一豚以為珍膳

翌日祚永送饌羞滿案皆珍異蓋清客庖所之物云援筆戲題十絕句

撐腸文字不充飢貧極兼無稀粥材昨夜燈窓占食指  
果然郇國送厨來或入其中多飽飯而歸俗語曰人欲  
不飯筋骨舒黃  
嫁湏入郇公厨

鱈宜孕子熊心白雀是披絲蟹內黃板設江南沈昭畧  
半生只啖蛤蜊湯南史王融傳遇沈昭畧未相識昭畧平謂曰僕出於扶桑入於暉谷照耀天下誰云不知而卿此問昭畧云不知許事且食蛤蜊融曰物以羣分方以聚君長東隅居然應嗜此族

第一時珍是卧沙大官鼎味莫能加鍾繇不解重臚行  
浪說山羊賣餅家楊萬里詩畦蔬甘似卧沙羊○菲子有語行百姓悅之故三徒成都○三國志裴潛傳注鍾繇謂左氏大官屬而謂公羊為賣餅家

乞米數臨顏子帖換羊偶學老坡書豫占今夜山窗夢  
有物是然碎圃蔬姚麟處換羊肉數斤山谷曰右軍為  
換鷺字今為換羊書矣○啓顏錄有人常  
食菜忽食羊夜夢五臟神曰羊蹄破菜園  
正是維摩示疾時床頭一把骨相丈余適抱養生有箇小疾正依稀似箋形燶湯一洗有餘馨崔生遺却臘干美  
鑽離菜焉用金山白薑為周櫟園書影薑字從養之半  
浙俗臘月列冰之間舉肉為脯謂之臘干急欲揮毫補食經論衡儒者言泰  
厨中厨中自生肉脯薄如箋形搖  
有中南海有魚名石首比丘有疾食肉四兩語恣啖之○  
松江府志石首呼黃魚鹽晒為鮆曰白薑金山青村為  
盛

薄切依稀似箋形燶湯一洗有餘馨崔生遺却臘干美  
浙俗臘月列冰之間舉肉為脯謂之臘干急欲揮毫補食經論衡儒者言泰  
厨中厨中自生肉脯薄如箋形搖  
有中南海有魚名石首比丘有疾食肉四兩語恣啖之○  
松江府志石首呼黃魚鹽晒為鮆曰白薑金山青村為  
盛

留犁春滿碧澄澄  
鄆水程鄉各擅稱  
風味比嘗曾不等  
舶來酒以蘓州為最  
的然知是古蘭陵

舶來酒以蘓州為最上實為古蘭陵郡也

麥餅尚書空擅美花餠貟外湯流芳庸知陳氏傳家法  
一捻膏環裂臯香南史沈衆傳陳武帝時兼起部尚書錄皇建僧舍窟有糕坊主人由此入貯為貞外官都人呼花糕負外○良齋雜說陳眉公每事好製新樣人轉教法所說餅曰眉公餅○鎮洋縣志今太倉市有眉公膏相傳出自陳仲醇家○楚辭注粧粧環餅也吳謂之

恍然疑入鍊珍堂。癡腹危將倒。布囊忘却。并生寒乞索。  
桄榔不要要。檳榔清異錄。段文昌丞相特精食事第中。  
所榜曰鍊珍堂。○南部新書杜祁飲食洪博飽即寤。人有諫非攝生之理。公曰君不況布  
囊盛米。放倒則溫。○本草桄榔子內如麪食之不饑。○

宋書劉穆之傳穆之少時家貧好往妻兄江氏乞食多見府猶往食畢求一樹榔江曰擯榔消食君乃常饑何用

益光舉案病來慵無復老媼尸餕饗廉潔愧余非孺子  
漫將口腹累茅容清異錄段文昌家有老媼掌其法指  
授女傑聞百婢嗣法止九婢○後漢書茅容傳容迎徐孺子為沽酒及市肉為穉飲食郭泰  
曰孺子清廉高潔而為季偉飲酒食內此為下知季偉之  
也賢故上

安荔加藤潤珠文  
較訂

大楣多讀 貴邦詩才情之美無過 梁君星巖其  
西征詩凡一百卅餘篇俊逸而平衍如晴空飛隼乘  
飈盤旋如碧水芙蓉不假粉澤而婷婷可愛深得詩  
人之旨當以爲一代風騷主其在我乎亦宜推之無  
憇豈惟 貴邦

道光甲申閏月

姑蘿江大楣敬識

